



पाठ-8

दन्तेवाड़ा तऽ गुप्पऽ

इद मनाद दन्तेवाड़ा जिल्ला ते रंग-रंग ता मेट्टा माड़ा मिंदे । सोन कल्क, माल कल्फ मिंदे । राज ते वो डुव, लुप, मल करसोड़ रान ताद सोखा कियामुन्ता इच्चोर नेल्लाताद जिल्ला ते पुटताल आवुर तेनु राका कियाकाल । इद माटा कविता पाटा ते केत्ता मुन्तोर ।

दन्तेवाड़ा तऽ भूम तेनऽ गुप्पऽ
मांवग पिट्टे मन्ता तेनऽ लोपऽ

बिरया चुडला मेट्टा इग्गऽ
कच्च कल्ल दऽ बैलाडीलाऽ इग्गऽ
ऊर् एर दा ईल्का मिन्दे
वेड़क ऽते तूड़ान एर मिन्दे

कुयेर इन्दऽ इन्द्रावती
सबरी गलयगुप्पऽ मिन्दे
पुंगा मन्दान तेनऽ गुप्पऽ
मांवग पिट्टे मन्ता तेनऽ लोपऽ

देश जनवार डुव इग्गऽ
देश पिट्टे मल्ल इग्गऽ
राज जनवार रान बर्रे इग्गऽ
राज पिट्टे मैनऽ इग्गऽ




कोवे मूँज लुप मिन्दे
 बारा बानी जनवार मिन्दे
 ताड़ास मन्दान तेनऽ गुप्पऽ
 मांवग पिट्टे मन्ता तेनऽ लोपऽ

करका, टाहका , वेंगू , टेका
 नेण्डी , नेल्की , रेका , मरका
 ईरू पावूर तिन्दान माटऽ
 वद्दूर गुप्पऽ बिड़िया माटऽ

बोद्दूम दोबे जीवऽ गुप्पऽ
 कोरवोल , कोडेल मन चेप्पऽ
 मत मोदोल मन्दान तेनऽ गुप्पऽ
 मांवग पिट्टे मन्दान तेनऽ लोपऽ

ईन्दा गड्ड वेसान कोट्टाम
 आक वरक ते मन चुट्टाम
 ऊँगऽ वयना टोण्डा मिन्दे
 लंगऽ वयना दाड़ाम मिन्दे

मेट्टा लोपऽ दाड़म बिड़िया
 दन्तेवाड़ा त गुप्पऽ बिड़िया
 मरऽ मेट्टऽ मनदान तेनऽ गुप्पऽ
 मांवगा पिट्टे मन्ता तेनऽ लोपऽ



माटा गियान :-

मांवग	—	गुप्प त जनवार
ऊर्	—	मेटऽ चुअऽ
तूडान एर	—	चिल—चिल अरदान एर
इन्दऽ	—	बिरय कुयेर
गलय	—	गोत (संग)
बारा बानी	—	रकम—रकम

समझेम अयम —

गड्ड	—	मेट्टा नग मन्दान ईन्द पोद्ला न रोण्डऽ तेन लोक नग पोर्रो वेसी तोड़ आर बिड़िया ईन्दा ने केत्ती वेण्ड माड़ी तोड़।
बोददूम	—	टोण्डा नग पुटान कुरसीर तेंऽ जोम्मा अट्टी तोड़।
दोबे	—	गुण्डे आक ले , चुडला आकी नेंद मेट्टा नग मन्दान कुस्सीड़।
कोरवाले	—	पिरुड़ लाटी—लाटी आकीन संग वेडता पुगा नद कुस्सीड़।

सवाल अवुर कारया

ऊवाट :-

स्कू तग पिल्ला कीन रेण्ड चेप्पा ना उध्दी कीस गुरुजी तमाऽ नडमऽ माटा माड़ी उत्तर केत्तऽ केल्लीड.

क. बैलाडीला तग बातऽ कल्क मिन्दे ?

ख. दन्तेवाड़ा गुप्पऽ तग मन्दान मावग (जनवार) तऽ पेदेदेर केल्लऽ ?

पुत्तद सवाल :-

सवाल 1 आदो प्रसन ता उत्तर ईम।

01. देश जनवार अवुर पिट्टे तऽ पेदेड़ बातऽ ?
02. राज जनवार अवुर पिट्टे तऽ पेदेड़ बातऽ ?
03. दन्तेवाड़ा गुप्पऽ ते मन्दान माड़ाक ना पेदेड़ बातऽ ?
04. ईन्द गड्ड ते बातऽ पाड़ी तोड़ ?
05. गुप्पऽ तग बाता — बाता पण्डी दोरकी ता ?

सवाल 2 — आदो अरालक ना गियान लिका कीम —

सवाल 3 — दूड्ड कवितऽ तून अब्बाड़ पेरसी कीम ।

क. बोददूम दोबे जीवऽ गुप्पऽ

ख. मत मोदोल तेनऽ गुप्पऽ

सवाल 4 — इद कविता तिना आची मंज लिका कीम , बेद अर्राल ते मांवग अवुर ताड़ासक नद लिक मिन्दे ।

क . अव अर्राल्क वेण्ड लिखा कीम कुयेर तऽ माटऽ मिन्दें

ख . अव अर्राल्क वेण्डी मेहकी लिका कीम वेग्गऽ राज , देश जनवार पिट्टे त लिकऽ मिन्दे ।

माटा अवुर व्याकरण :-

पाठ तग इत्ताव माटा कीन गुरुजी केल्लीर । पिल्ला इव माटा लिका किवी । लिका कीस वेना ओना कागज पल्टा कीस ऊड़ीर ।

ऊर् , ईल्का ईन्दा , राज , बारा — बानी , गड्ड दाड़ाम ।

सवाल 1 . — करका , मरका , कल्क , मल्ल — ओण्डय लेंग ताव माटा ।

ईसू ताव नालू माटा न जोड़ी बना कीस लिका कीम ।

पडेम आस एरकऽ कीम ।

सवाल 2 . — ईल्का — इन्दा , अक्को — काको ।

ईल्का त उल्टऽ माटऽ इन्दा

अल्को नऽ उल्ट माटऽ काको

ईसूताव उल्टऽ माटा नाव मूण्ड जोड़ी मेहकी लिका कीम ।

पाड़ाट :-

कविताऽ लिका कित्तरोर दन्तेवाड़ा गुप्पऽ तऽ रकम—रकम नेल्लिटा माटा केत्तोर । इव माटा कीन एरकऽ कीस दन्तेवाड़ा भूम तऽ शोभऽ लिका कीम ।

ऊवाट —

इद पाठ तग गड्ड तऽ ऊवाट इत्तेक मिन्दे । गड्ड ओण्ड ईन्द रोण्डऽ तऽ पेदेर । तेने केत्ती जोता बनेम आता । गड्डता आकी तच मिर वेन्ड कर्सनाव बाता पुता माड़ाट ।

बुध्द पेरसाड़ —

मिर छ.ग. दन्तेवाड़ा गुप्पऽ पाठ तंग पडेम अत्तीर ।

इलकेन भूम शोभऽ तऽ कविता बिने लिका कीम ।

बैलाडीला मेट्टऽ पोर्गे मन्दान नार नक्श तग ऊड़ी एरकऽ कीम ।

